

## PODACI O PROJEKTU

Bosna i Hercegovina Mart 2017. godine

### STAMBENA RJEŠENJA ZA 74.000 OSOBA



Kao posljedica oružanih sukoba 1990-ih, preko tri miliona ljudi raseljeno je unutar i van granica Bosne i Hercegovine, Crne Gore, Hrvatske i Srbije. Čak i danas, pola miliona ljudi je još uvijek raseljeno širom regiona. Regionalni stambeni program (RHP) želi obezbijediti trajna i održiva stambena rješenja, naročito za ugrožene izbjeglice i interno raseljene osobe.

Kako bi se privelo kraju pitanje dugogodišnjeg raseljeništa u regionu, 2011. godine Bosna i Hercegovina, Crna Gora, Hrvatska i Srbija usuglasile su se oko sveobuhvatnog regionalnog programa koji bi osigurao povratak i reintegraciju izbjeglica i interno raseljenih osoba. Regionalnu inicijativu je podržala međunarodna zajednica, uključujući Evropsku Uniju, Sjedinjene Američke Države, UNHCR, OSCE, te Razvojnu banku Vijeća Evrope (CEB).

---

#### REINTEGRACIJA U MJESTO PORIJEKLA ILI INTEGRACIJA U TRENUTNO MJESTO BORAVKA

Regionalni stambeni program (RHP) obezbijediće trajna i održiva stambena rješenja za 74.000 osoba ili 27.000 domaćinstava. Sa početkom u 2012. godini Program se sastoji od četiri stambena projekta po zemlji – u Bosni i Hercegovini, Crnoj Gori, Hrvatskoj i Srbiji. Procjena je da će ukupna investicija Programa iznositi i do 584 miliona eura.

Izbjeglice i interno raseljene osobe razlikuju se po trenutnom smještaju. Hiljade još uvijek žive u kolektivnim centrima, mnogi u formalnim i neformalnim kolektivnim smještajima, ali i u privatnim smještajima. Korisnici RHP-a imaju mogućnost da izaberu žele li se vratiti i reintegrirati u svoje mjesto porijekla, ili ostati i integrirati se u trenutno mjesto boravka. Za sve njih pronaći će se trajna i održiva stambena rješenja – kroz izgradnju, rekonstrukciju ili čak kupovinu stanova i kuća, te kroz nabavku građevinskog materijala, ili smještaj u institucijama sistema socijalne zaštite.

---

#### REGIONALNI STAMBENI PROGRAM U BOSNI I HERCEGOVINI

Očekuje se da će RHP u Bosni i Hercegovini obezbijediti trajna i održiva stambena rješenja za 5.400 domaćinstava – ili ukupno 14.000 osoba. Od tog broja, 3.850 domaćinstava će se vratiti u svoje mjesto porijekla, 1.270 domaćinstava će se integrirati u mjesta trenutnog boravka, a 280 domaćinstava će biti smješteno u okviru sistema socijalne zaštite.

Pored obezbjeđivanja trajnih stambenih rješenja, Program će također imati pozitivan utjecaj na samostalnost i nivo prihoda izbjeglica i interno raseljenih osoba. S druge strane, Program će pozitivno utjecati na cijeli region, jer će kroz privođenje kraju dugogodišnjeg raseljništva zemlje regiona doći korak bliže mirnoj i prosperitetnoj budućnosti. Štaviše, inicijativa se može koristiti kao model za rješavanje dugogodišnjih izbjegličkih kriza širom svijeta.



## 20 GODINA DOPRINOSA ŠVICARSKE PITANJU RASELJENIŠTVA

Bosna i Hercegovina je bila prva zemlja u regionu s kojom je Švicarska uspostavila formalno migracijsko partnerstvo, još 2009. godine. Od 1996 do 2011. godine Švicarska je uložila oko 250 miliona švicarskih franaka u reintegraciju izbjeglica i interno raseljenih osoba. Najnoviji doprinos od 5 miliona eura uložen je u implementaciju Regionalnog stambenog programa, višegodišnje inicijative koja će u konačnici riješiti pitanje izbjeglica i interno raseljenih osoba u zemljama zapadnog Balkana.

### SAŽETAK PROJEKTA

#### NAZIV:

Švicarski doprinos Regionalnom stambenom programu na Zapadnom Balkanu

#### DOMENA:

Regionalni programi i projekti

#### TEMA:

Migracije

#### ZEMLJA/REGIJA:

Zapadni Balkan

#### PARTNERI:

Vlade Bosne i Hercegovine, Crne Gore, Hrvatske i Srbije

Evropska komisija, SAD i drugi bilateralni donatori UNHCR i OSCE – monitoring  
Razvojna banka Vijeća Evrope (CEB) – implementator projekta

#### POLAZIŠNA TAČKA / POZADINA:

Kao posljedica oružanih sukoba 1990-ih, preko tri miliona ljudi raseljeno je unutar i van granica Bosne i Hercegovine, Crne Gore, Hrvatske i Srbije. Čak i danas, pola miliona ljudi je još uvijek raseljeno, a hiljade žive u kolektivnim centrima, bez perspektive da ostvare trajna stambena rješenja.

#### CILJ PROJEKTA:

Kroz doprinos Regionalnom stambenom programu – zajedničkoj inicijativi BiH, Crne Gore, Hrvatske i Srbije – Vlada Švicarske te drugi donatori i međunarodna zajednica žele obezbjeđiti trajna stambena rješenja za izbjeglice i interno raseljene osobe u regionu. Kroz ovu inicijativu 74.000 osoba će se vratiti i reintegrirati u svoje mjesto porijekla, ili ostati i integrirati se u mjesto trenutnog boravka.

#### CILJNA GRUPA:

Projekat će utjecati na živote 74.000 osoba, raseljenih tokom ratova na Balkanu između 1991. i 1995. godine.

#### BUDŽET:

CHF 6.325.000 (doprinos Švicarske vlade RHP-u)

#### TRAJANJE:

20.10.2012. – 31.12.2017.

### DODATNE INFORMACIJE I KONTAKT PODACI

Swiss Agency for Development and Cooperation (SDC)  
Cooperation with Eastern Europe,  
Western Balkans Division  
Freiburgstrasse 130, 3003 Bern  
Tel. +41 (0)58 462 22 12  
E-Mail: deza-oza@eda.admin.ch  
www.sdc.admin.ch

Ambasada Švicarske u Bosni i Hercegovini  
Zmaja od Bosne 11, Zgrada RBBH, objekat B  
BiH-71000 Sarajevo  
Tel. +387 33 27 58 50, +387 33 25 40 30  
Fax +387 33 57 01 20  
E-Mail: sar.vertretung@eda.admin.ch  
www.eda.admin.ch/bosnia-and-herzegovina